

Թիւնը: «Տղով կնկայ» և ծծկեր երեխաներ ունեցող մօրը գլխա-  
տեղ չի լինի (№ 16 Ա, § 14—22. Տես և № 17. Ա, § 41—44). ճիշտ  
նման Պարսից Կարնամակ վէպում Արտաւանի դստեր, Շապուհ  
Ա.-ի մօրը, պատահած անցքին<sup>1</sup>: Պարսկական այս օրէնքը հաւա-  
նօրէն և հայկական է: Պարսից մեծ վէպի Շահնամէի ազդեցու-  
թիւնը ևս մեծ է, մանաւանդ մեր Քաջանց տան վէպի վրայ.  
օրինակ «բազպանդը», որով Ռուստամը Ջոշրապին ճանաչում է,  
կայ թէ Քաջանց և թէ Ջոշանց տան վէպում (№ 11, Դաւիթ և  
Պզտիկ Մհեր, Ա, էջ 38): Այսպէս էլ Բաղդասարին դարան լա-  
րելով փշալից փոս քցելը (№ 16, Դ, § 103—108) յիշեցնում է  
Ռուստամի Ջալի վախճանը: Բ. Սալաթեանի, Գարեգին վարդա-  
պետի և Ս. Հայկունու հրատարակութիւններից երևում է, որ  
Շահնամէի գիւցազները դարձել են մեր Ջոշանց տան գիւցազ-  
ների ազգական և շատ անգամ արտասանում նոյն լուսքերը,  
երդումը կամ աղօթքը: Շահնամէն և Կարնամակը յայտնի են  
եղել և հին հայերին այժմեան բնազրից սակաւ ինչ տարրեր բո-  
վանդակութեամբ, ինչպէս երևում է Մ. Սորենացու աւանդածից<sup>2</sup>:

Ոչ պակաս հետաքրքրական նորութիւն է Թուր Կէծակի,  
Քուռու Ջալալի, Թամք Սատաֆի և Գուրգն ի գորողի<sup>3</sup> ծագու-  
մըն ու գործածութիւնը (№ 16, Բ, § 27—30. 58—61. լաւագոյն  
ևս № 17, § 58—64) և անդրանիկ որդու Վարդանի աստղա-  
բաշխ կոչումը, որ «աստղեր կը ճանչնէր»: Մի այլ զրոյցում  
այսպէս է բացատրւում այս բառը. «Ես աստղաբաշ Կմ, ես  
էլնեմ դուռ աստղերը իշկամ, նեղութենի էղիք կիմանամ ձեզի  
կը խսոնեմ, իմ շնորքս էս ա»<sup>4</sup>. ուրեմն աստղաբաշխը աստղազէտի  
մտքով է, որ հնագոյն ժամանակներում, մանաւանդ միջին դա-  
րերում իմաստութեան հոմանիշ էր. Իկոնիոնի սուլթան Ալաալինի  
մասին ասուած է «այր իմաստուն և աստղաբաշխ<sup>5</sup>»: Այսպիսի  
յատկութիւն ունին այլ փոփոխակներում Ջոշանց տան այլ գիւ-  
ցազներն ևս Սանասար, Բաղդասար, Չէնով Յովան և այլն: Ջար-  
մանալի է, որ մեր այս դե միամիտ գիւցազներին այսպիսի յատ-

1. Յ. Թիրաքեան. Արտաշիր Պապական Կարնամակ. ԺԳ. § 48—49.  
էջ 25. Պարիզ 1907.

2. Խորեն. Ա. «ի Պարսից առասպելից էջ 62—64 եւ «Առասպելը  
Պահլաւկայ» Բ. հ. էջ 450—451, Վենետիկ 1865.

3. Արդեօր «Գուրգն ի գորողի»ն կապ չունի՞ զօրաւոր «Գորողոյ  
խաչ» հետ (Վարդան պատմ. Հէ, էջ 152. Վենետիկ 1862. Չամչեան  
Գ. ԺԹ. էջ 450):

4. Ազգագր. Հանդէս XIX. «Ջանդեղուր» էջ 424. Թիֆլիս 1910.

5. Սմբատ Կունդոտապլ. Տարեգիրք, էջ 119. Պարիզ 1839.